

դամանքներ պիտի լինեին, որ թելադրեին խանին այդպիսի հաստատման տալաղա տալուց հրաժարվելու¹⁶: Մահալական մելիքները ըստ Մոզիլևսկու և Երմոլով 2-րդի, ունենում էին միևրաչի տիտղոսը. օրինակ՝ Տաթևի մելիք Պոզոսը, Կյուպարայի մելիք Փարսադանը: Թվում է թե մելիքը պաշտոնի էր մըտնում մի ուրիշ եկեղեցական ծիսակատարությունում. գոնե հայտնի է, որ երբ իմացվեց, որ մտադրություն կա մելիքական կառավարությունը վերացնելու, Հան սենատորի կողմից մշակվող օրինագծի հիմսն վրա, Հալիձորի մելիք Հովհաննեսը Մելիք-Փարսադանյանների տոհմից շտապեց 1838 թ. վերջում ինքը իր ձեռքով մեկի օրհնել տալ եկեղեցում պատարագից հետո հատուկ ավանդական ծիսակատարություններով իր սիրած որդի Գալուստին, սուրը կապեց նրա մեջքին և նստեցրեց մելիքական աթոռի վրա¹⁷: Այս օրինակը վկայում է, որ մելիքը օրհնվում էր և մելիքը աթոռի վրա էր նստեցվում հանդիսավորությամբ, սակայն պիտի կարծի, որ այսպիսի հրապարակային մեծարումով չէր նստեցվում խանի շնորհիվ մելիքություն ստացող մեկը:

Հին մահալական մելիքներից Հալիձորի բերդի տերերը ուսական կառավարության ներկայացրած ցեղագրական ծառով իրենց ծագումը հասցնում էին խորին հնություն: Չի ապացուցված սակայն՝ արդյո՞ք Մելիք-Փարսադանյանների տոհմը որևէ արյունակցական կապ ունեցել է Բաղաբերդի վերջին պաշտպան թագավորական տան կամ նրա իշխանական տներին մեկի հետ: Հաստատ է այն, որ XVIII դ. սկզբներում այդ տոհմը մեծ հեղինակություն էր վայելում Ղափանստանում և որ այդ հեղինակությունը համախմբել էր Դավիթ-Բեկի ազատագրական շարժման շուրջը հարևան մելիքների զինված ուժերը: Ոչ միայն այդ կողմերի հայ բնակչության խտության և բազմամարդության վրա էր հույս դնում Դավիթ-Բեկը, այլև տեղական մելիքական տան ավանդական կապերի և հեղինակության վրա: Ժամանակի մելիք Փարսադանի և նրա Բալի որդու անվերապահ մասնակցությունը Դավիթ-Բեկի ձեռնարկած գործին ապահովում էր նաև հարևան մելիքների ներգրավումը ապստամբական գործողության մեջ¹⁸:

Գուցե ոչ պակաս հնություն կարող էր իրավամբ պարծենալ Տաթևի մահալի մելիքական տունը: Սա իր ծագումը առաջացնում էր հռչակավոր Օրբելյան իշխանական տնից, որը մի ժամանակ իր ձեռքի տակ միացրել էր գրեթե ամ-

¹⁶ Այդպիսի տալաղայի մի օրինակը, որը ստացել է շահից Շահնազարյան մելիք Բադին 1657 թ., լույս է բնծայված— «Акты, собранные Кавказскою Археологическою Комиссией», т. VI, ч. I, № 1269.

¹⁷ Այս մելիք Հովհաննեսը և նրա մահից հետո մելիք Գալուստը թե հասարակության արում և թե զավառապետի մոտ մեծ հարգ ու պատիվ էին վայելում: Գալուստի թագմանը (1874 թ.) ներկա գտնվել իր պարտականությունն էր համարել զավառապետը իր պաշտոնյաներով: Թագումը կատարվեց մեծ հանդեսով՝ եպիսկոպոսի մասնակցությամբ:

¹⁸ Մելիք Փարսադանը ղավաճանությամբ սպանվեց Ազուլիսում և թողված է այնտեղի Թադեի վանքի պարիսպների տակ: 1823 թ. այս տան գլխավոր կալվածքները և տոհմական ամրոցը գտնվում էին Կապանի աջակողմյան կեսում, որը մնում էր պարսկական տիրապետության ներքո: Այս տոհմից էր մելիք Հուսեյին-Ղուլին՝ մելիք Հովհաննեսը, որը վեճի մեջ էր նեժաֆ-բեկի հետ Կավարտ և Կատար գյուղերի համար — Могилевский и Ермолов 2-ой, Описание Карабагской провинции.